

連江縣志卷二十七

文苑

嘉慶志文苑凡二十一人時有有建樹可紀載者。屢乎其間。茲為區而劃之。凡學術治術無所表見。而第以詞翰名者。纂為是傳。使例也。亦局章也。

唐

王魯復字夢周。大歷間獻詩得從事邕府。魯復自高其才。嘗謁皇甫湜。久未獲見。移書責之曰。韓退之接賢樂善。孳孳不倦。公師其文。安可不師其道乎。自此當携酒弔退之墓。不及門矣。湜為慙謝。嘗草衣騎牛。王涯李固言皆賞識之。在京師。聞臺省有疑獄。白時相。願往鞫焉。其清狂如此。張瑩字昭文。生鳳凰楸山中。時邑未與科第。發憤力學。期必自奮。嘗咏一箭中鵠詩以示志。著有月宮賦。四靈賦。詞皆高麗。人爭傳誦。應大順元年進士。仕至禮部尚書。著書四種。詳藝文志。

連江縣志

卷二十七

唐宋文苑

二十一

宋

黃鼇嘉慶里人。六歲能詩。運思敏捷。有設對者。應對無不中的。縣尉劉立之奇之。聞於郡。得詣闕就試。遂應大中祥符八年童子科。賜進士出身。所著書詳藝文志。

林撝字季謙。號芹齋。松溪令頴之子也。紹興庚辰正奏。初試館職。遷禮部郎中。出知瑞州。調漳州。入為太常少卿。轉司勳。朝請大夫。主管建昌軍。仙都觀。賜緋魚袋。所至俱有政聲。善訓迪。多所成就。尤工詩。名山勝景題咏殆遍。子直之。蔭將仕郎。

明

林景清字靖夫。一字竹窗。為郡諸生。援例充貢。入太學。成化間為湖廣興國州判。工詩。有集二種。詳藝文志。又善草書。闔自永樂中。王僊工八法。繼僂者景清也。同邑陳廷泰好學能詩。字亦適勁。嘉慶志無傳錄通志文苑並嘉慶志藝文補之邱榮豸字君輝。小塢人。嘗居一小舟。以漁釣為事。有隱居作云。四十頭顱

郭婆山思世詩

尚未皤奇書好着寄巖阿滄江本可長垂釣拙匠何妨老補鍋惜尾雄雞
甘自斷凌霄獨鶴孰能羅客來若話紅塵事宅有松風剪拂多玩詩意似
有託而逃咏梅云日暎閒消霜萬點影疏還漏月三更縱經狂雨香猶在
獨立遙天色亦空雁字云雨飄短翮毫猶潤雪滿孤翎墨未濃沙中失侶
文方闕江上逢群畫轉添數陣衝風章急就一行帶雨墨淋漓漢臣傳信
非題帛天女迴文不用機皆工雋詩集詳藝文志移綴叢談
孫文銓字公衡文錫從弟少同師學為諸生負盛名時倭亂海上每思請
纓自效與同邑陳第雅相友善老不得志遂韜光匿采放跡山水間郭婆
山思母詩歧路尚餘縫密線出門猶憶裂長裾側身天地將雙淚忍負機
前教子書文銓長於詩雅健渾成卓然名家當嘉隆時瑯琊歷下建旗樹
鼓天下為之傾動銓獨翹翹高尚不受牢籠詩集詳藝文志吳文華寄贈
云年來七十
面如童海上看雲臥起同匣裏
陰符知撇久祇今惟有白鷗通
陳址字道從別號鷺江東岱人幼失怙恃從兄坦學於官舍嘉靖庚子登

連江縣志

卷二十七

明文苑

二十一

若正始編以示之自是無婚訟又裁冗役捐常例以善
政聞當道累薦轉嘉定州知州適奉公赴郡沒於瓊州士民思之與胡澹

鄉薦讀書雲居山中八年方出謁選得臨高令新巒宮建塔橋文學大興
臨俗婚姻多寒盟著正始編以示之自是無婚訟又裁冗役捐常例以善
政聞當道累薦轉嘉定州知州適奉公赴郡沒於瓊州士民思之與胡澹
菴並祀額曰二賢所著書詳藝文志尤工詩與兄坦合刻春草集坦佳句
如晚泊姑蘇云閭闔有情還夜月虎邱無主尚秋花過梅嶺云樹影倒封
陽谷日山光遙接洞庭天餘千舟中云兩岸暮煙橫野濶滿山秋葉傍舟
多秋日鵝湖云歲月無情爭鳥疾風塵何意共雲浮拜東坡先生廟云低
頭下拜東坡像展眼頻看北斗杓不厭瘴鄉生白髮獨憐天下哭青苗閒
雲野外橫孤鶴明月舟頭憶洞簫幾度登臨重懷古天風吹送海門潮其
五言如古木支殘照寒鴉帶遠吟漢水舟移月巴山路入雲絕句如送人
云江上春風漲綠波客中送客意如何垂楊亂葉絲絲雨不及離情一半
多送人之廣云江雲歲晚不堪愁鸚鵡洲寒鬢欲秋留著梅花莫開盡為
君吹玉過南州皆近中唐風調

林徵材字魯生又字玉虹華春子天啓間副榜任沐陽主簿

按叢談云以諸生例貢拜

幕職與選舉志兩歧今從選舉志

詩調清新律詩多警句絕句尤工咏竹云淇園秋老綠

筠寒九月霜多紫籜殘記得瀟湘明月夜數枝清影捲簾看重過田公園

云門巷春深碧草齊花枝大半委黃泥林鶯認得樽前客依舊飛來恰恰

啼無題云舊年曾醉小樓西多少桃花襯馬蹄今日重來湘水上蕭蕭風

雨竹枝低觀妓云點玉明金相映輝斜紅殘黛六銖衣桃花扇底聲初度

樓外春雲澹不飛又云雲染鴉鬟翠染眉春愁無主却如癡一聲檀板鶯

喉澁正是周郎欲顧時隔簾妓云疎簾掩映影微微從此蕭郎見也稀一

片湘雲飛不去當時錯認美人衣溪行云千尺丹崖葉葉秋天空霜白壓

扁舟耳邊水響停杯看前面灘高月亂流

移綴叢談

陳志遴字成之址之孫也少為諸生意氣巍岸多與時違明季以才名徵

不赴人或勸之答曰仕非吾志也况非其時乎及國變築室白鶴山中教

授生徒旋以調移居西村家貧嘗至兩三日不得食歌詠自如白沙何其

連江縣志

卷二十七

唐明清文苑

二十一

偉每分米餉之所著詩文甚富多棄不留曰安用此為哉少有存者歿後

其偉極力搜索得詩百餘首以授陳元鍾元鍾為梓於金陵志遴為詩雅

澹清遠耐人咨賞如樓居云近始理幽事一樓幻有餘月當松嶺缺雲補

竹林疎對火刪詩草聞人讀道書偶然成記憶新雨種芙蓉寓何梧子宅

上書懷云積雨空林罷著書夢魂銷鑠已無餘自然古道能相守所以貧

交不易疎野水兼雲流澗澤山禽先霧下階除明朝霽色寒江上欲挈煙

波任所如遊東山庵云古佛經年具典型一燈寒照海門青樹羅石屋春

巢雨水漲山田夜種星龕磬送聲歸遠岫嶽雲留影掛孤亭身名未信僧

誰是恰得松音兩日聽遊江寺云泉添昨夜雨江颯去年秋大溪山居云

遊盡山峯人未到悟來潭水月無分山遊採茶云半根竹杖行香際一衲

山雲扱帶間江上夜坐云空江正在長天下明月居然碧水中詩集詳藝

文志

陳元登字龍淮保安里人居濱海因自號漁村世為儒者父鶴鳴博學工

文著華臺草行世元登少穎異淹貫經史每能證以心得議論橫發善詩歌古文詞兼精書畫清初隱居設教後進經其指授多成名士家貧以氣節自持前後邑令聞其名造廬見之與促膝談文甚相得惟一答拜而已常與張利民薛鎔何其偉黃士舉爲方外交元登文多以議論勝詩從容大雅如籬園木槿窺花暝簷障芭蕉受月遲月落鵝啼峯外響春深笋簾雨中抽山嵐枕簟雲生膩海雨池塘水帶鹹數竿修竹隔雙屋一井寒泉分半溝年七十餘卒於漁村著書九種詳藝文志

清

陳元鍾字朶朶一字孝受肇復子第之孫也天賦奇挺家世多藏書元鍾盡發而讀之因以詩古文詞自見清初爲諸生已而從父宦遊遂棄去所至如楚中湯伊助莊雲生周學師饒會公蕭季昭僧指密江南潘稼堂汪舟次吳牛岡趙客李木如莊民悅皆倒屣相接所爲詩有前後川行金陵漫興諸作皆才氣空湧而尤長古風元氣鬱盤卓犖沈塞於昌黎爲近

連江縣志

卷二十七

清文苑

二十二

讀書洞貫融釋每談論古今必首尾該舉會山樓撰著不下數百卷同時何其偉陳元登黃士舉皆文章老宿於元鍾相顧訕服以爲學識不可及嘗作塢園丈人傳自敘特詳傳云溫麻城西化龍街北有丈人者有虞氏

後世孫胡公之苗裔也生平無他嗜慕獨好讀書嘗取人所不恒讀者讀之然不甚善記憶過則格格如未嘗讀間亦隨諸同學讀舉子業亦不甚

摩厲謂爲粗礫無所異卒不能與世競精華心益厭怠之年方壯強從父宦遊歷荆舒巴蜀及吳越鄒魯燕齊之地悅其山川人物志意曠遠遂盡棄其向所讀舉子業而仍讀人所不恒讀久之乃歸而居隱於先世遺廬廬久頽敝外無垣內不能蔽大風雨上有樓推窗四望皆山有舊藏書數千卷蠹篋中丈人暇則登樓振蠹而讀聲琅琅聞樓外廬之瓦有隙地廣可畝許磽與塢相雜人視爲寢邱丈人顧而悅曰地極肖丈人於是字園曰塢蓋紀實也人因是而稱塢園丈人云丈人之園始則有蔬有瓜且有花有果有竹木井而條而四方風至蝶鳥交遊今則草者蔓者棘刺者枝

塢園丈人傳

陳元鍾家祖也

塢園相雜始取

石土各半五言

至田之土曰塢
物廢地也

拄交錯並出而與丈人爭厥土。丈人老而無如之何。日益無事。惟取前代騷賦詩古文詞讀之。有感觸。輒泣下淫淫。閒亦作詩賦古文詞見志。賦愈於詩。詩愈於文。文謹嚴如其人。嘗念凡名山水各有專志。水莫大於海。何可獨缺。乃博集海外國島山川人物風俗物產。作環海志若干卷。又以閩僻一方。前賢佳詩文名不傳。因編輯唐宋元明諸名哲著作若干卷。爲吾國風思與中州人爭文字雄。又春秋戰國時諸侯王人士事多錯見難稽。於是仿司馬氏義例。作春秋戰國史記若干卷。以統攝羣雄。默寄一王之意。蓋皆假浩衍宏肆之章。以壯其感憤悲激之懷也。將束裝就柳水作訓詁。先生忽疽發項。痛苦潰裂。幾斃。已幸得甦。丈人曰。祖父傳書。吾未有託。吾爲灌園書未就。負春秋。丈人信霍童。高蓋玉華。吾家門戶山未遊。倘卽擠溝壑。天下後世。其誰知吾心者。中書君吾與交久。幸及吾存。爲吾傳中書君曰。諾。傳成。令其友守玄子潤色之。而列於守主簿白無玷之歲。贊曰。丈人塉其園。無亦塉其心者耶。不塉於心。則不塉於道矣。未必其遂塉於

世也。乃察其生平。固始終一塉丈人。寧園乎哉。詩如送薛立軒冒雪督運古風云。西山督戰催餉急。憐君踏雪荒郊立。蓬蒿滿地白模糊。松柏幾時青出入。天低野曠三塗路。攬轡徘徊去住滯。馬鞭碎碎玉花落。狐祝穆穆鉛水濕。堪憐三楚負糈夫。短衫敝袴雪中集。皮膚凍皴行路難。環向運官馬前泣。自從喪亂三十年。寇盜征徭死相襲。天上閻闔聽罔聞。雲間臺閣訴何及。惟願雪消寇伏誅。三軍散盡人家給。時事曲上張大叅云。有山何必有蜀山。有水何必有蜀水。入蜀山水恐行人。中有英雄從此起。當今天子重風雲。黃金不惜鑄將軍。生逢明聖不用力。當頭駿馬徒肉食。兵機緩急各有爲。破敵安敢不乘時。試看三楚嗷嗷日。調度還須得所宜。大司馬廣寧李公頌云。巫山高與雲日同。仄磴螺盤一鳥通。天設險阨塞蜀東。豺狼穩步行其中。擇肥竊起嗥秋風。帝爲此方屢回首。六花圖出李衛公。清野待敵不與戰。沿邊固險伺其變。縱兵追擊奔雷電。生獻猛虎黃金殿。長鯨旣死鼉歸穴。受降城築楚山凸。開雲破霧我公艱。雙龍岡上凱音還。諸

陳堯若於此上持身
夫婦必達思以秋漢
上事天好年不對注其胸
若樂曰古實懷報

將論功皆賜酒功歸諸將公不有懷遠縣謠云陰風吹鬼竇琅琅響四應
窮簷兒女情夜中泣懸磬自言妾有夫饑餓委荒磴長男乞為奴長女乞
為媵妾是婦人身出門憂踏踏采得護榆歸為兒成餽釘護根帶雪香榆
皮賽玉瑩雪香難再生玉瑩難再剩際此遲遲春那堪塵釜甑昨日剝皮
洋殺客奪車乘今日鳴驢嶺珠玉走無脛燭火燎中原茹茅塞路徑食祿
職期民皆視閭閻罄勿謂婦人淚庶女叫天聽壁間枯柳枝屈曲成鞍鐙
安得踏上天雨粟為婦贈又讀友人詩道其世守先廬有故園之感次韻
詩云數載奔勞莽宕墟故盧寥落倦遊園風塵有客能吹劍霜草何人肯
負鋤海內干戈悲買駿山中蘿薛笑求魚歸時得就林泉計敢道樊籠事
弗如元鍾死無子妻王氏痛無可傳盡所有火之靈前飛灰旋繞經兩晝
夜不散著書五種詳藝文志通志入文苑

連江縣志

卷二十七

清文苑

二十五

卜數嗟吁為問青天索故廬遠效秦宮三日火邇來海國一朝墟文章碩
果為霜耐家室浮萍擔石儲非託公門桃李內已先同學廢詩書詩集詳

藝文志移綴叢談

邱嘉諱字起哉一字石村積石人邑諸生少聰穎不作世儒草句學而以
氣節事業自砥礪纂古人言行足以廉頑立懦者及兵家機要成若干卷
喜汗漫遊足跡所至輒形題詠卒年四十九著書九種詳藝文志嘉慶志無傳錄

通志文苑補之

鄭霄字孟凌資壽舖人康熙丙子舉於鄉少從陳元登學稱高弟宏才博
識澹於榮利授定陶令居官剛介丁外艱旋里築耕竹亭以詩酒自娛雍
正初年舉孝廉方正辭不赴以吏部起用復出補刑部主事任職未六十
日遽乞身歸居鄉數為里黨興利學校橋梁多見其功著書四種詳藝文

通志入文苑

孫發曾字廣葉號弁石一號藥源通濟舖人年未冠餼於庠領康熙戊午

鄭孟凌耕竹亭

鄉薦已丑以明通榜授教諭。歷將樂歸化建安諸鐸。都人士皆宗仰之。後遷泉郡教授。乞歸。家居十餘年。雅意誨人。出其門者多通儒。為人廉靜樸訥。讀書獨具手眼。善詩古文詞。邑乘闕修。自康熙迄乾隆。需續纂者急矣。戚公崧言以名進士宰連。訪發曾學。行延主是席。曾徵文考獻。體例嚴正。由是文望重一時。著書三種。詳藝文志。通志入文苑

孫拱極。字肅佑。號紫垣。崇雲舖人。雄於文。出試輒高等。家貧。舌耕自給。每歲暮撤館。躬督諸子。挾册月樓寺中。雖除夕弗輟。舉乾隆戊午鄉薦。已未試春官。薦由杭世駿。捷南宮。入庶常。散館。改知縣。尋以事落職。留都中十載。時與世駿所交名士遊。歸掌教鼇峰書院。學者經其繩削。初若桷鑿。後得其鍼度。聯翩飛去者。什八九。性樸訥。復傲岸。於人多不合。而亦不求合於人也。著書二種。詳藝文志。子五。讚讓讓。以次雋。訓歲貢。議子道翼。亦雋。讓自有傳。通志入文苑

陳鳳舉。字思朝。潤之孫。早歲能文。長而魁偉。美髯鬚。有高僧見之曰。此子

連江縣志

卷二十七

清文苑

二十六

當晚成。若奉佛。可早達二十年。鳳舉初不信。後果逾艾。始登乾隆甲子賢書。明年會試。減閩額三名。以益浙江。鳳舉適在減列。得明通第一。故事將引見時。先詣部過驗。部曹欲令行拜跪禮。鳳舉首先不屈。竟罷歸。後銓永定教職。卒於官。生平好讀書。有得輒發為古文辭。皆發前人所未發者。吳志綰。字懋紫。號樞亭。如臯子。乾隆甲子鄉薦。戊辰進士。授廣西桂平令。潔己奉公。政多惠下。遷知河池州。奉檄往滇南。採購礦銅。道卒。行橐蕭然。久之。喪乃歸。家故貧。歿後益窘。三子相繼歿。子婦皆名門女。以苦節聞。一婦知詩。手錄綰所作傳之。詩集三種。詳藝文志。兼據采訪册

清熊夢占。弔以詩云。有盡身家不朽名巖巖樞老重江城半生精力留

足愧尊羹祇今旅禰來天外感動人間仕宦情招魂何處召靈巫骨肉凋零田舍燕歌鵠河東誠有婦汗駒冀北望諸孤人憐逆境摧霜雪天為真儒設治爐試看千秋循吏傳好官原不出亨途

孫讓。字謙如。號地山。幼聰慧。從父拱極學。於儒先理解。經指授。卽了大義。兼精書法詞賦。中丞潘思渠。選拔鼇峰。深賞識焉。弱冠領乾隆甲子鄉薦。

辛未登明通榜。乘上杭彰化鐸。秩滿陞陝西榆林知縣。簿書之暇。日事鉛槧。性渾厚。不設城府。亦不喜詭隨。以忤當道。拂袖歸家。徒四壁。泰然也。邑侯夏公稔知學行。聘為鼇江書院山長。講經以淑後進。卒年七十六。著書二種。詳藝文志。

章朝枻。字觀敬。號傲軒。松嶺人。兄弟六人。枻樞同母生。樞才藝亞於枻。樞年三十八。領嘉慶六年鄉薦。枻年十八。補博士弟子員。十九。領乾隆四十四年鄉薦。聯捷進士。歸。益肆力詩古文辭。四十九年。高宗南巡。學使朱珪命同進士鄭光策等赴浙應召試。閩人應召試自此始。五十八年。謁選。得國子監典簿。改詹事府主簿。供京職者數年。同里舉人王文周以貧來依。不數月卒。朝枻為經紀其喪。旋以憂歸。知縣李奉聘修縣志。又主講崇安書院。知縣魏大名聘修崇安縣志。服闋。任濟南分府。夙負才具。噤不得大展。居恒心悒悒。然未幾卒於治所。嫡無出。妾生一子。遂家濟南。枻為文不假思索。下筆千言。而英采穎發。故利應制而蚤達。卒年裁三十餘。所著書

連江縣志

卷二十七

清文苑

二十七

詳藝文志

通志入文苑錄通志兼據采訪冊

楊廷尚字文瓊方壽子美丰儀豪飲善詩以書經登乾隆四十四年恩榜公車報罷從兄西喬山左任繼復久客楚中有寄內詩云亦厭輪蹄瘁其如歲月淹黃金囊裡盡白髮鏡中添夢斷人千里愁牽月一簾嬋娟如可訴傳語到香奩寄弟云桑蓬自昔設門闌倚劍人前缺易彈糊口但言為客便載途方覺在家安五年泰岱車輪轉三載瀟湘枕簟寒九日萸杯春夜宴幾回遙對故山看秋霽望月云秋風秋雨減秋光有客山窓獨徜徉此夜寥天初見月何人異地不思鄉雲隨遠水歸閩海雁帶寒霜入漢陽北闕上書期又到故園深負菊花黃後武昌公署遺稿散失僅存近體數十首而已

楊廷尚字文瓊。方壽子。美丰儀。豪飲善詩。以書經登乾隆四十四年恩榜。公車報罷。從兄西喬山左任。繼復久客楚中。有寄內詩云。亦厭輪蹄瘁。其如歲月淹。黃金囊裡盡。白髮鏡中添。夢斷人千里。愁牽月一簾。嬋娟如可訴。傳語到香奩。寄弟云。桑蓬自昔設門闌。倚劍人前缺易彈。糊口但言為客便。載途方覺在家安。五年泰岱車輪轉。三載瀟湘枕簟寒。九日萸杯春夜宴。幾回遙對故山看。秋霽望月云。秋風秋雨減秋光。有客山窓獨徜徉。此夜寥天初見月。何人異地不思鄉。雲隨遠水歸閩海。雁帶寒霜入漢陽。北闕上書期又到。故園深負菊花黃。後武昌公署遺稿散失。僅存近體數十首而已。

十首而已

移綴叢談

林占芳。字明登。號心蘭。歲貢。仙臬後。祖焜父恭。皆諸生。族有書田。非諸生不得食。恭卒。占芳年十五。無以自存。眾憫之。俾仍食五年。及期。其母復請之。族眾曰。幸再假三年。眾曰諾。於是占芳試縣府皆第一。督學試。復以第

一入府庠乾隆四十四年恩科副貢再試不利遂專意成就後學門下士取科第者相望如陳肇英肇波皆其高足也生平為人古心古貌介介自持儕輩有過舉輒面折之而獨於後進質問疑義必先謝不敏既乃歷引典記以對少頃又曰記憶確否請檢某籍當自得之問者如其言覆覈無少謬占芳於漢唐宋大家外獨喜寧都三魏凡所論著陳義甚高多借題抒寫惓惓於世道人心邑紳家有慶弔事輒欲丐占芳文辭以光屏幃嘉慶間知縣李奉延與通判章朝杖同修縣志卒年七十三著書二種詳藝文志通志入文苑節錄
楊龍標字叔錦號立堂安德里人英敏善讀學有根柢甫任冠入上庠中年選歲貢晚年學益邃強記不忘嘗著讀史比事若干卷操觚家多取資焉又著地理要言以諷世之惑風水者
任仕璜字升甫定田人嘉慶十五年舉人授崇安教諭每月朔輒集諸生為講經旨又時助以學行歷十數年如一日多士化之年六十五卒於官

連江縣志

卷二十七

清文苑

二十八

林炳槐館於望城
尚書家八輩其後也
尚書家特之張小師
尚書家孫也名今作
其家不特八年神龍
余視在子弟愛惜無
此亦非余病而此皆
持印力而念流此忠
等宜共去矣不悅也
中祀之丁丑五月廿六日
六日
相商在滬事

林炳槐號石堂大壠人原名炳麟後以避支祖諱易名道光元年恩貢明年應廷試考充國子監內班銓選直隸州判同郡陳望坡尙書稔其才識延課其子遂留陳寓八年槐學博洽兼善醫會陳有侍姬患疫槐為治愈而自染疫氣病不治尋卒時年四十五陳深惜之遣所親為輿襯歸並彙檢槐所讀書十餘篋還其家槐精治三禮所藏殿版三禮義疏及他藏書若干種卷卷丹黃皆槐手勘兼附箋者厥後燬於火書法學王大令圓勁而清秀其子均允邑廩生學之遂稍肥重亦以書名一時
黃廣居字匡思號少谷青塘人幼失怙刻苦績學而家少藏書展轉借讀或借鈔焉道光十一年領鄉薦累躋公車留滯京邸者數年某歲禮闈報罷歸適同里有以負逋被逮邑倅署者廣居剛入城鄉人擁至邑倅署衆有所恃扭其鎖而携被逮者出邑倅為其子所愚先發制人控廣居之指令事至大決裂邑倅撤任廣居亦禡前途士論惜之廣居構一精舍曰澄虛齋生平讀書處也坐臥其中手不釋卷凡有見聞如明季軼事及道咸

間各省匪亂。並連江災寇怪異。皆錄而糊四壁。壁爲之滿。未幾蠹蝕剝落。莫輯成書。卽所輯先儒易說。繕以蠅頭。凡兩卷。不遺一字。又手錄鄉先輩著作若干種。細楷亦如之。亦均遺佚。未知其集名。所知者惟閩屬撫聞一卷。入藝文志。卒年六十八。子運昌。同治元年優貢。亦嗜讀。有父風。李光珍。號玉水。松嶺人。父有源。宿學粹文。歷應十科。而膺薦者九。迄不售。以珍幼慧。勤課之。冀竟厥志。珍於道光十四年中副車。十七年登乙榜。授武平教諭。旋調惠安司鐸。六載。訓迪有方。俸滿歸。聚徒講藝。不改儒素。年九十餘卒。子超彬。署尤溪訓導。

謝大鼎。字夏圖。后壠人。道光二十四年舉人。精古文。教授有方。時科舉盛。士子多囿於帖括。大鼎文特岸異。上胎息柳柳州。而下規撫歸震川。嘗以重價購得歸評五色筆史記一部。日把玩不釋手。至老益勤。手輯駢散文稿十餘冊。未梓。鈔本尙存。兼工繪事。

盧炳新。字蔚如。通濟舖人。道光二十九年舉於鄉。幼失恃。兄弟四人。新居

連江縣志

卷二十七

清文苑

二十九

長。父訓子嚴。弟有過。應受責。新跪父前。爲弟認罪。必俟父色霽而始起。其處家之雍睦。可知。接物則一於謙和。雖後輩謁見。亦加禮貌。無傲容。至律身行已。明取與。謹樞機。慎交遊。淡榮利。同年汪鏞。鐘宰連。兩次未嘗一私謁。通濟橋尾段圯。僉舉新督修。新讓美於父。而已任其勞。工用完固。家居非慶弔。則簡出。閉門却掃。手日一編。晚年例屆截取。將出。應銓。適丁父艱。次年子又殞。哀慟過情。卒年五十一。

吳適源。字琚泉。又字瑤圃。東嶽舖人。逾冠補弟子員。適陳先達聲。適主鼇江講席。卽從而受業。傳其衣鉢。精訓誥學。而大學中庸二書。理解尤精細。制藝胎息大家。長於說理。第辭意深奧。迥異恒蹊。每不投於時眼。某年歲試。得列高等。而餼於庠者。因扶病入場。急就章。祇求完卷。而轉邀知遇。究非其得志之作也。適源文字之知己。獨推馬君騰駿。某科分校。閱其文。擊節稱賞。薦而不售。馬君亦爲惋惜。耆年後。循資選歲貢。猶決戰文場。志不少衰。適源不得志於時。講學至老。從遊者經其培植。如陳文鏞。吳統昌。吳

庭棖謝必鏗。或選優拔。或登甲科。皆騰達焉。是不得於身而得於門。徒足覘文有定價。而夙願償也。生平古貌古心。不與時流徵逐。粗衣淡飯。終身守儒素。而風骨凜然。壽七十二。

陳文鏞。字維呂。號少管。曾祖滋源。祖敦本。父芳烈。三世以明經顯。文鏞天分明顯。髫齡從吳明經通源遊。得其秘授。故爲文下筆千言。高華沉實。兼而有之。詩賦芊綿莊麗中。饒有一往情深之致。楷書肖趙文敏。而得其神似。年纔逾冠。文名噪一時。同治六年。科試冠軍。餼於庠。是年選優。復列第一。一時學使者曹君秉濬。鑒賞其文。並評其書法。冠全閩。文鏞誠得知遇矣。從此飛黃騰達。可拭目以俟。乃次年晉京。尙未朝考。因病而卒於京邸。年二十七。士論惜之。

林瓊卿。字壽丹。嘉賢上里洪塘鄉人。其先自會城西之洪塘徙此。故仍以名卿。素方嚴。而待人謙抑。年二十。以縣試冠軍。入上庠。尋以廩膳貢成均。秋闈叠薦。皆報罷。至五十餘。乃援例授教職。署連城教諭。二年。學宮設位。

生祀之。署漳州訓導。三年。有奇。當受代。時傾城學子送之行。卿自未釋褐。及解組歸。講學凡若干年。先後游其門者。多至三百餘人。晚遷縣城。舉爲鼇江書院監院。並與同人協修通濟橋。生平所學。尊宋儒。匯理數而一之。熟於太極方圓圖說。旁及七政六壬奇門諸書。尤殫心堪輿學。著有河洛源流圖考。蔣氏地理辨正精解。壽六十有二。